

Вилоятимизда спорт соҳасидаги эришилаётган ютуқлар ва янгиликлар
хақида қисқача маълумотлар.

Р.Қучқоров ВПХҚТМОИ
катта ўқитувчиси

Вилоятимизда ҳам болалар спортини ривожлантириш бўйича бир қатор ижобий ишлар амалга оширилиб, нуфузли спорт мусобақаларда иштирок этаётган ўғил-қизларимизнинг сони тобора кўпаймоқда ҳамда қўлга киритилаётган совринлар миқдори ҳам сезиларли даражада ошмоқда.

Шу ўринда айтиб ўтиш лозимки, вилоятимизда 2015 йил дастур доирасида жамғарма маблағлари ҳисобидан жами 26 та, жумладан 25 та спорт иншоотлари (21 та мактабда спорт зал, 4 та Болалар ва ўсмирлар спорт мактаби капитал реконструкция қилинди) ҳамда 1 та мусиқа ва санъат мактабларида (1 та капитал реконструкция) қурилиш-таъмирлаш ишлари олиб борилиб, ўз муддатида фойдаланишга топширилди.

Ушбу мақсадлар учун 29,5 млрд.сўм маблағ сарфланиб, уларнинг 22,5 млрд.сўми Республика жамғармаси ҳамда 7 млрд. сўми жамғарманинг вилоят филиали ҳисобидан молиялаштирилди.

Эътиборлиси 2015 йилда қурилган спорт иншоотларининг 96,1 фоизи қишлоқ жойларда қурилди.

Бундан ташқари 2015 йил Давлат Инвестиция дастурига асосан умумтаълим мактабларида 4,7 млрд.сўмлик 13 та спорт заллари фойдаланишга топширилди ва ҳомийлар томонидан ҳам 20 та сунъий қопламали футбол майдонлари барпо этилди.

Шунингдек, болалар спорт объектларига 1,7 млрд.сўмлик спорт жиҳозлари ва анжомлари олиб берилиб, бунда асосан вилоятдаги маҳаллий хомашёлардан 28 турдаги спорт жиҳозлари ва кийим-кечаклар ишлаб чиқараётган 6 та корхоналарнинг маҳсулотларидан ҳам фойдаланилди.

Республика Болалар спортини ривожлантириш жамғармаси-нинг 2016 йилга мўлжалланган манзилий дастури лойиҳасига асосан жорий йилда ҳам вилоятда 24 та болалар спорт объектларини қуриш ва реконструкция қилиш (22

та янги қурилиш, 2 та капитал реконструкция) ҳамда ушбу мақсадлар учун 30,8 млрд сўм маблағ ажратилиши белгиланган .

2015 йилда Болалар спортини ривожлантириш жамғармасига вилоят ҳомийлари томонидан 5 млрд 280 млн сўм маблағ туширилиши белгиланган бўлиб, амалда 5 млрд 301 млн сўм, ёки режага нисбатан 100,4 % маблағ январь ойининг ўзидаёқ тўлиқ туширилиб, Болалар спортини ривожлантириш жамғармаси ҳисоб рақамига ўтказиб берилган .

Жамғарманинг 2016 йилга мўлжалланган даромадлар ва харажатлар параметрларига ҳамда 2016 йилда Болалар спорт объектлари, сузиш ҳавзаларини қуриш ва капитал реконструкция қилишнинг манзилли дастури лойиҳасига асосан, вилоят ташкилотлари ва ҳомийлар томонидан 5 млрд 280.млн.сўм маблағ йиғиш режалаштирилган эди. Жорий йил январь ойининг ўзида режа бажарилиб, 5 млрд 280 млн.сўм маблағ тўлиқ тушириб бўлинди.

Бугунги кунда вилоятда мавжуд бўлган 3910 та спорт иншоотларининг қабул қилиш қуввати 133788 ўқувчи ўрнига тенг бўлиб, биз улардан самарали фойдаланишга ҳаракат қилмоқдамиз .

Яратилаётган кенг имкониятлар эвазига мунтазам спорт билан шуғулланувчилар сони ҳам йилдан йилга ортиб бормоқда. Жумладан,

- 6-15 ёшдаги жами спорт билан мунтазам шуғулланаётган ўқувчи ёшлар 2014 йилда 264615 нафарни (55,4 %) ташкил этган бўлса, 2015 йилда бу кўрсаткич 294196 нафарни (60,6 %) ташкил этиб, 2014 йилга нисбатан 29581 нафар (6,2 %) ўсишга эришилган.

- 6-15 ёшдаги жами спорт билан мунтазам шуғулланаётган қизлар 2014 йилда 104925 нафарни (45,5%) ташкил этган бўлса, 2015 йилда бу кўрсаткич 126349 нафарни (53,6%) ташкил этиб, 2014 йилга нисбатан 21424 нафар (8,1 %) ўсишга эришилган.

Бундан ташқари, қизларни жисмоний тарбия ва спорт билан шуғулланишга кенг жалб қилиш мақсадида 8-март хотин-қизлар байрами арафасида улар учун спорт кийимларининг тарқатилиши кейинги йилларда қизларимиз учун сеvimли спорт байрами тадбирларидан бирига айланиб бормоқда. Вилоятда спорт билан шуғулланаётган 6-18 ёшгача бўлган 75602 нафар ўқувчи қизларга 3 йил

давомида спорт кийимлари тарқатилди. Жорий йилнинг январ ойида 15656 нафар қизларимизга бу спорт кийимлари тантанали равишда тарқатилди.

Таъкидлаганингиздек, қизларимизни ҳар томонлама соғлом, чиройли қадди-қоматга эга бўлишлари учун айниқса спортнинг нафис тури Бадийий гимнастиканинг ўрни ниҳоятда катта эканлигига яна бир бор амин бўлдик. Бугун юқорида айтиб ўтганимдек, Қашқадарёлик қизлар ўртасида бадийий гимнастика оммалашиб бормоқда. Агар, спортнинг мазкур тури билан мунтазам шуғулланувчи қизлар сони 2004 йилда 45 нафарни ташкил этган бўлса, 2015 йилда улар сони 6525 нафарга етди. 14 йил муқаддам вилоятда “Умид ниҳоллари” ўйинларида бадийий гимнастика бўйича жамоа қатнашмаган бўлса, бугунги кунга келиб гимнастикачи қизларимиз Республика ва бир қатор халқаро турнирларда иштирок этиб, совринли ўринларни қўлга киритмоқдалар.

2015 йилда нафақат бадийий гимнастика, балки бошқа спорт турлари бўйича ҳам бу каби натижаларга эришилди.

Ўтган йил давомида жаҳон, осиё, халқаро ва республика миқёсида ўтказилган мусобақаларда вилоятимиз спортчилари томонидан жами 598 та медал, жумладан, 211 та олтин, 164 та кумуш, 223 та бронза медаллар қўлга киритилди. (Шундан жаҳон кубогида 2 та олтин 1 та бронза, Осиё чемпионатларида 9 та олтин, 1 та кумуш, 2 та бронза, халқаро турнирларда 16 та олтин, 13 та кумуш, 21 та бронза, Республика мусобақаларида 120 та олтин, 188 та кумуш, 224 та бронза).

Маълумки, жорий йилда Бразилиянинг Рио-де-Жанейро шаҳрида XXXI ёзги Олимпия ўйинлари ва XV Паралимпия ўйинлари бўлиб ўтади. Ушбу нуфузли мусобақада иштирок этиш учун сузиш бўйича Хасанова Раъно лицензияни қўлга киритди.

Спортчиларнинг юқори натижаларни қўлга киритишларида албатта мураббийларнинг тинимсиз меҳнатлари ва машаққатли хизматлари ётади.

Болалар спорти иншоотларида жами 443 нафар (шундан аёл 92 нафар) мураббийлар фаолият кўрсатмоқда. Уларнинг 40 фоизини олий маълумотга эга бўлган малакали мутахассислар ташкил этади. (177 нафари олий маълумотли, 266 нафари ўрта-махсус маълумотли)